



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal Kaçanik

01Nr.04-610/01-24178/23
Kaçanik, 26.10.2023

Kuvendi i Komunës Kaçanik, në mbledhjen e vet të mbajtur me 31 tetor 2023, pos tjerash,

INFORMOHET

1. Me Aktivitetin e zhvilluar të Drejtorisë së Arsimit -Për Fillimin e Vitit të Ri Shkollor 2023-2024, në bazë të dhënave të prezantuara në Informatën e hartuar nga Drejtoria e Arsimit.
2. Në Informatë është paraqitur gjendja e përgjithshme në fushën e arsimit në Komunën e Kaçanikut, për fillimin e vitit të ri shkollor 2023-2024, veprimet të cilat janë marrë nga Drejtoria e Arsimit dhe mekanizmat tjerë relevantë për përmbushjen e objektivave e planeve të punës sipas legjislacionit që e rregullon këtë fushë.
3. Pjesë përbërëse e kësaj shkrese, është materiali më tekstin e mëtejme:” Informatë për Fillimin e Vitit të Ri Shkollor 2023-2024 në Komunën e Kaçanikut, përmbledhur në gjithsej: 10 faqe / Lënda: 04 Nr. 60/01-27763/22.

Më këtë Shkresë njoftohen:

1. Kryetari i Komunës;
2. Drejtoria e Arsimit;
3. Arkivi.

Kryesuesi i Kuvendit
Kemal Murseli





Republika e Kosovës
Republika Kosova
Republic of Kosovo



Kaçaniku
Komuna e Kaçanikut
Opština Kaçanik
Municipality of Kaçanik

Drejtoria e Arsimit

04 Nr 010/01-24178/23

LISTË DISTRIBUIMI/ CIRKULARNO PISMO/ ROUTING SLIP

REFERENCË:					
PËR/ZA/TO:	Anëtarët e Kuvendit të Komunës				
CC:					
PËRMES/PREKO/THROUGH:					
NGA/OD/FROM:	Zahir Doda, drejtor i DA				
TEMA/SUBJEKAT/SUBJECT:	Informatë për fillimin e vitit të ri shkollor 2023-24 në Komunën e Kaçanikut				
Nr. i zyrës:		Lokacioni:	Administrata Komunale	Data:	14.09.2023
Br. kancelarije:	-	Kucni:		Datum:	
Room No.:		Extension:		Date:	

INFORMATË

Fillimi i Vitit të Ri shkollor 2023 - 2024

Viti i ri shkollor 2023 – 2024, në Komunën e Kaçanikut ka filluar, më 1 shtator 2023, sipas kalendarit shkollor të hartuar nga MASHTI. Mësimi filloi në të gjitha institucionet arsimore, përveç në Shkollë Fillore e të Mesme të Ulët (SHFMU) “Naim Frashëri” në Kotlinë e cila është në procedurë të mbylljes/pushimit të veprimtarisë së institucionit arsimor dhe të nivelit 6 -9 në SHFMU “Emin Duraku” në Kaçanik, ku mësimi filloi me disa ditë vonesë, (më 11.09.2023), për shkak të disa renovimeve të cilat janë kryer në këtë shkollë..

Drejtoria e Arsimit, edhe sivjet i ka filluar me kohë përgatitjet për fillimin e vitit të ri shkollor 2023/24. Fillimisht është bërë planifikimi i regjistrimit të fëmijëve para fillor e atyre në klasat e para. Bazuar në raportet e këtij fillim viti shkollor, sivjet janë regjistruar gjithsej 378 fëmijë para fillor, prej tyre 351 në shkollat fillore, ndërsa 27 të tjerë në QEAP “Agimi” në Kaçanik, ndërkaq në klasat e para këtë vit shkollor janë regjistruar 458 fatos.

Planifikimi i regjistrimit të nxënësve është bërë edhe në klasat e X-ta, në 2 shkollat e mesme: në Gjimnazin “Skënderbeu” dhe IAAP “Feriz Guri dhe vëllezërit Çaka”. Në Gjimnazin “Skënderbeu” sivjet janë regjistruar 173 nxënës, ndërsa ishin planifikuar të regjistroheshin 224 nxënës të ndarë në 7 paralele:

1. **Drejtimi Shkenca Natyrore**, 4 paralele me 91 nxënës të regjistruar
2. **Drejtimi Shkenca Shoqërore-Gjuhësore**, 3 paralele me 86 nxënës.

Ndërkaq, në IAAP “Feriz Guri dhe vëllezërit Çaka” janë regjistruar gjithsej 159 nxënës në 10 paralele, ndërsa kanë qenë të planifikuar të regjistroheshin gjithsej 288 nxënës në 10 paralele të ndarë në 4 Drejtimet:

1. **Elektroteknikë me profilet:**
 - Teknik i Informatikës
 - Instalues Elektrikë dhe
 - Elektronikë industriale me nga 1 paralele,
2. **Ekonomi me profilet:**
 - Kontabilitet dhe tatime
 - Tregti me shumicë dhe Pakicë, me nga 1 paralele

3. Makineri me profilet:

- Instalues i ngrohjes e klimatizimit dhe ujësjellësit e kanalizimit (2 paralele),
- Automekanik dhe
- Metalpunues, me nga 1 paralele dhe

4. Juridik me profilin:

- Nëpunës i administratës dhe shërbimeve të zyrës me një paralele

Sa i përket kuadrit arsimor, DAK gjithashtu me kohë e ka publikuar konkursin për plotësimin e vendeve të lira, ndërkohë që janë zhvilluar të gjitha procedurat e rekrutimit dhe selektimit për dy pozitat e lira, mësimdhënës të mësimit klasor dhe një psikologë në SHFMU “Idriz Seferi” në Bob me plotësim norme në QEAP “Agimi” në Kaçanik.

Këtë vit shkollor, mësimi ka filluar në 21 institucione shkollore të nivelit AF (Arsimi Fillor) dhe AMU (Arsimi i Mesëm i Ulët), prej tyre 16 shkolla të plota 1 - 9 dhe 4 të tjera ku mësimi zhvillohet vetëm për klasat 1-5 ndërkaq, në 1 shkollë mësimi zhvillohet vetëm për klasat 1-4.

Mësimi këtë vit shkollor nuk ka filluar në SHFMU “Naim Frashëri” në Kotlinë pasi është iniciuar procedura për mbyllje/pushimin e veprimtarisë së institucionit arsimor, ndërsa 3 nxënës të kësaj shkolle kanë filluar mësimin në SHFMU “Idriz Seferi” paralelja e ndarë në Kovaçec.

Para fillimit të vitit të ri shkollor, në tri objekte shkollore janë bërë investimet kapitale në vlerë të përgjithshme prej afër 130 mijë euro, të planifikuara për renovimet dhe riparimet e nevojshme, ndërkaq në shkollën “Gafurr Luma” në Gllloboçicë është ndërtuar bazamenti i bustit të dëshmorit Gafurr Luma, emrin e të cilit me krenari e bartë shkolla në këtë fshat, për të cilin projekt është shpenzuar shuma mbi 4 mijë euro.

Në SHFMU “Emin Duraku” në Kaçanik, në objektin e ri, në Dushkajë janë rregulluar/ndërtuar nyjat sanitare, ndërrimi i disa dyerve të klasave e dyerve të nyjave sanitare, riparimi i dyshemesë në disa klasa, rregullimi i ndriçimit në hapësirat e jashtme, rregullimi i parkingut për vetura, lysterja e brendshme e objektit dhe asfaltimi i terrenit sportiv, ndërsa janë investuar afër 85 mijë euro, ndërkaq në SHFMU “Qamil Ilazi”, në objektin shkollor në Fushë Pajtimi është bërë renovimi i kulmit të objektit, izolimi dhe fasadimi i jashtëm, ndërrimi i të gjitha dritareve dhe suvatimi e ngjyrosja e disa mureve të brendshme, për të cilat renovime është shpenzuar shuma prej 25 mijë euro. E ndërkaq, në objektin e shkollës në Kovaçec është duke u bërë rregullimi i kulmit, për të cilin projekt do të investohen afër 15 mijë euro,

Sivjet qeveria e vendit nuk ka bërë furnizimin e nxënësve me libra falas, sikurse viteve të kaluara, ndërsa ka subvencionuar me nga 80 euro nxënësit e nivelit 1 – 5, dhe me nga 30 euro nxënësit e nivelit 6 – 9, por jo edhe ata të nivelit para fillor.

Furnizimi i nxënësve me libra ka qenë një nga sfidat e këtij fillim viti shkollor. Vlen të theksohet se ka shumë raste kur prindërit për shkaqe të ndryshme nuk kanë arritur të aplikojnë në sistemin eKosova, andaj edhe fëmijët e tyre kanë ngelur pa tekste shkollore e rrjedhimisht edhe kanë refuzuar të vijnë në mësimet.

Në Komunën e Kaçanikut nuk ka asnjë librari, kështu që prindërit dhe nxënësit janë detyruar të gjejnë alternativa të furnizimit në qytetet tjera e madje edhe në dy shitore ushqimore/minimarkete këtu brenda qytetit të Kaçanikut të cilat përveç veprimtarive të tyre, po merren edhe me furnizimin e nxënësve me libra.

Numri i nxënësve në vitin shkollor 2023 – 2024

Në bazë të dhënave, në shkollat e Komunës sonë kemi këtë gjendje statistikore:

Në nivelin 0 (para fillor) sivjet janë regjistruar gjithsej 378 fëmijë, prej tyre 351 në shkollat fillore e të mesme të ulëta dhe 27 të tjerë të përfshirë në QEAP “Agimi”. Në QEAP “Agimi” vijnë/qëndrojnë edhe 99 fëmijë të tjerë që nga grup moshë prej 9 muajsh e deri te grup moshë 4 - 5 vjeç.

Numri i fëmijëve para fillor sipas shkollave

Shkollat	E.Duraku	I.Seferi	K.Zeka	J.Gërva lla	Q.Ilazi	N.Osm ani	A.Aslla ni	7 Shtatori	Dituria	A.Bajr ami	G.Lu ma	QEAP	Gjith.
Nr	115	36	32	23	42	32	23	18	4	19	7	27	378

Në nivelin 1 (fillor), gjatë këtij viti shkollor mësimet janë duke vijuar gjithsej 2265 nxënës, që krahasuar me një vit më parë (2276 nxënës), del se sivjet në këtë nivel janë duke vijuar 11 nxënës më pak.

Tabela 1. Numri i nxënësve nga klasa I deri V sipas shkollave

Shkolla	I	II	III	IV	V	Gjithsej
“Emin Duraku”	137	164	149	153	151	754
“Idriz Seferi”	56	52	54	55	50	267
“Kadri Zeka”	52	37	48	49	51	237
“Jusuf Gërvalla”	40	36	35	31	36	178
“Qamil Ilazi”	55	49	28	42	34	208
“Nazmi Osmani”	36	47	30	25	32	170
“Ali Asllani”	21	28	34	20	34	137
“7 Shatori”	26	28	31	25	23	133
“Ditura”	3	6	3	12	7	31
”Agim Bajrami”	22	13	19	19	19	92
“Gafurr Luma”	10	7	11	13	17	58
Gjithsej	458	467	442	444	454	2265

Ndërkaq, në nivelin 2 (Mesëm të Ultë) nga klasa e VI deri në klasën e IX, mësimet sivjet i kanë filluar gjithsej 1825 nxënës apo 18 më pak, krahasuar me vitin e kaluar shkollor 2022/2023 që në këtë nivel ishin gjithsej 1843 nxënës.

Tabela 2. Numri i nxënësve nga klasa VI deri IX sipas shkollave

Shkolla	VI	VII	VIII	IX	Gjithsej
“Emin Duraku”	145	145	165	136	591
“Idriz Seferi”	43	64	45	43	195
“Kadri Zeka”	50	38	37	43	168
“Jusuf Gërvalla”	36	21	29	28	114
“Qamil Ilazi”	55	50	47	46	198
“Nazmi Osmani”	37	30	36	29	132
“Ali Asllani”	27	33	38	39	137
“7 Shatori”	36	29	38	27	130
“Dituria”	9	8	5	11	33
“Agim Bajrami”	16	17	16	15	64
“Gafurr Luma”	13	13	17	20	63
Gjithsej	467	448	473	437	1825

Nga kjo që u tha më lartë, del se numri i përgjithshëm i nxënësve në të dy nivelet (1 dhe 2) fillor dhe të mesëm të ultë në këtë fillim viti shkollor është 4090 ose 29 më pak, përderisa vitin e kaluar në këto dy nivele ishin 4119.

Tabela 3. Numri i nxënësve nga klasa I deri IX sipas shkollave

Shkolla	I	II	III	IV	V	VI	VII	VIII	IX	Gjithsej
“Emin Duraku”	137	164	149	153	151	145	145	165	136	1345
“Idriz Seferi”	56	52	54	55	50	43	64	45	43	462
“Kadri Zeka “	52	37	48	49	51	50	38	37	43	405
“Jusuf Gërvalla”	40	36	35	31	36	36	21	29	28	292
“Qamil Ilazi”	55	49	28	42	34	55	50	47	46	406
“Nazmi Osmani”	36	47	30	25	32	37	30	36	29	302
“Ali Asllani”	21	28	34	20	34	27	33	38	39	274
“7 Shatori”	26	28	31	25	23	36	29	38	27	263
“Ditura”	3	6	3	12	7	9	8	5	11	64
“Agim Bajrami”	22	13	19	19	19	16	17	16	15	156
“Gafurr Luma”	10	7	11	13	17	13	13	17	20	121
Gjithsej	458	467	442	444	454	467	448	473	437	4090

Në tabelën Nr.3 shihet se numri i përgjithshëm i nxënësve në këtë vit shkollor, 2023 - 2024 është 4090 nxënës që krahasuar me vitin shkollor paraprak 2022-2023 ku ishin 4119 nxënës, ky numër është më i vogël për 29 nxënës.

Numri i përgjithshëm i nxënësve të regjistruar sipas viteve, përkatësisht rënia e numrit të tyre është prezantuar në Tabelën e mëposhtme..

Tabela 3 a. Numri i nxënësve të regjistruar nga I – IX sipas viteve

Viti shkollor	Numri i nxënësve I - IX	Më pak krahasuar me një vit më parë	Më shumë krahasuar me 1 vit më parë
2023 - 2024	4090	29	
2022 - 2023	4119	66	
2021 - 2022	4185	133	
2020 - 2021	4318	148	
2019 - 2020	4466	51	
2018 - 2019	4527	100	
2017 - 2018	4627	167	
2016 - 2017	4794	E tjera	

Në nivelin 3 (Mesëm të Lartë) në 2 shkollat e mesme, në Gjimnazin “Skënderbeu” dhe IAAP “Feriz Guri dhe vëllezërit Çaka” këtë vit shkollor 2023-2024 mësimet i vijojnë gjithsej 965 nxënës që krahasuar me një vit më parë, 2022-2023 (971 nxënës), sivjet ky numër është më i vogël për 6

Sikurse në shkollat nëntëvjeçare edhe në dy shkollat e mesme, ka vazhduar të ketë rënie të numrit të nxënësve sipas viteve.

Tabela 3 b. Numri i nxënësve të regjistruar në dy shkollat e mesme sipas viteve

Viti shkollor	Numri i nxënësve X, IX dhe XII	Më pak krahasuar me një vit më parë
2023 - 2024	965	6
2022 - 2023	971	53
2021 - 2022	1024	133
2020 - 2021	1157	101
2019 - 2020	1258	216
2018 - 2019	1474	59
2017 - 2018	1533	34
2016 - 2017	1567	E tjera

Në Gjimnazin “Skënderbeu” numri i përgjithshëm i nxënësve të regjistruar këtë vit shkollor është 561 (vitin e kaluar 571) ose 10 më pak dhe në IAAP “Feriz Guri dhe vëllezërit Çaka” sivjet janë regjistruar 404, (vitin e kaluar ishin 400 nxënës) apo 4 më shumë se vitin e kaluar.

Tabela 4. Numri i nxënësve sipas klasave në 2 shkollat e mesme.

Shkolla	X	XI	XII	Gjithsej
Gjimnazi "Skënderbeu"	173	186	202	561
IAAP "Feriz Guri dhe vëllezërit Çaka"	159	150	95	404
Gjithsej	332	336	279	965

Me respekt,